

湘綺樓日記

湘綺樓日記

宣統元年己酉

宣統元年正月壬午朔陰國喪不賀年晏起滋女送蓮元云女代婦職房
嫗送酒資氏兩子入賀年勞以年饒諸女擲骰奪狀元余倦早寢始亥
初耳程喻周生入見夕見日

二日陰晨起頗早傭工未興房嫗未盥櫛惟周生披衣來問訊譚道臺來

送詩

三日雨潭令專差來送莊藩臺書竝炭金百兩寫對子誤七爲八又無墨
今年字不利市夜擲投復莊書並復黃令一片

四日陰晨作兩詩譚以壓崇錢爲壓歲隨而正之

綠兒酒有紅燈夜向闌華堂

界平製百歲同增福壽完喜共椒盤聞吉語巧翻花樣異銅官世間壓
力應無比祇爲錢錢得最難招要衡俗重年更里巷安和途物情廉

似劉公勞手選貧如趙壹已憂傾青絲百萬誰齎嫁赤攜女孫房嫗坐
仄類煩且罷征莫道壓纏傷鵲背銅圓漸比五銖輕

小船下湘途遇秦管帶譚老師招呼令還譚船同泊鐵鑪門梁李兩師
在焉俱過船談同至道署謁居停約人日之飲出詣二程張尉鄭教官
蔣釐員遣問真女不來還船迎嫗纜行到院正上鐙矣

五日陰劉孫生日來拜乃悟焉例給一元催整內齋裏間地版亦發四元
周生兒來張尉率其女壻來方僅誤以石爲十乃云麻十顧典史來

六日陰擲投不問餘事頗亦費日將和譚詩苦官韻難押魯太耶來便索
其和因以詩便交送城長郡館首士三人來

七日陰見日答謝秦丞因詣楊彭洪楊從瀟湘渡湘詣府縣羅朱陶黃吳

譚便同譚至道署正晡時耳主人旋出邀看新園欣然得句

疊石玲瓏
過曲隄掃

花開徑主賓歡新園拓地池亭好文陣交綬壁壘完人日尋梅春有信
新詩屬草韻愁官虛耶思發吟情勝應爲良辰得四難（謂張味應）

鼓回船欲二更輕波微月漾春情苦梅豫約須晴折家釀還應待客傾
首歲開元邇北斗羽書傳捷報南征不妨共向江城老已覺東風拂柳

輕
譚復遣送京果

八日雨昨月隱雲復成陰霧至夜遂瀟瀟矣朱蔣彭楊來答拜夜雲中有
月地上無影

九日雨詩思甚踴譚兵備復送詩來鄭廣文父子來見子名家霽文筆蒼
莽草字甚似郭筠仙詩亦尙氣未能入格

十日雨看東華錄銷日感諸臣貪庸似今日猶勝蓋天氣上騰自然成否
聖王莫如何也十室忠信何其寥落念此愀如

十一日雨連日尋查紀昀遺戍之由閱報十餘萬字始於乾隆卅一年戊
子歲檢得係查鈔盧見曾時漏泄寄頓以讀學革職發烏魯木齊昀於
嘉慶十年年八十此時年四十矣同時有王昶徐步雲趙文哲等俱得
罪俱劉統勳查辦周庶長下省辯冤去陳琪秀才來

十二日雨滋女入城梁師奶來陳倬女也稱我世叔不知夫家親派以曾
見我與其父叔往還故然自至廚中招呼夕滋還始飯

十三日陰朝食後下湘逢來船相呼云岢樵妻攜中子來商議喜事請其

上岸余至程家客尙未到程生邀鄭譚廣文蔣釐員朱張相陪本欲早

散客來不早還已上鐙聞譚言道署新軒牆倒客散明日事也幸不壓

死涂中作一詩

傳花飲散暮光凝詩膽惺忪酒膽增瓦未打人先破碎
榻曾延客共模棱敢言知命能牆立爲兆封侯已岸崩

步向鼇峯尋故址
桂宮前殿月如冰

十四日雨寒喻教員來作伴方奪狀元未暇與談夏午詒甥楊生來見祿

衡州來

十五日寒雨沈冥惟花爆可散陰氣衡州殊無新製令人思日本史湘雲

夜亦放數百筩飛火甚盛

十六日陰真女家去將辦嫁事昨夜從側室寢不安今夜早眠時聞開門

聲女嫗均覺云是夜風怯寒嬾起俄而天曙道臺又送詩來未暇和之

十七日陰有雪黃琴翁曾孫來載彤次子也與論盛時京官交情告以舊

家風範午下湘遇道使又送詩檢前稟不得歸補錄之探舊更路饌林近可

宜南果宗竟欲將梨比花譜從教讓伴阿含(山查)揚嫌軟美種分棠奈
費詳參祇憐燕市移根燼不及叢蘭伴阿含(山查)秋宴薇垣詠點奈

也同苞貢致遙途顧婆一種分甘酢杏嫁他年驗有無帖仿來禽至真
夢硬紙簾窺新燕隔眞珠昌州香國曾親到只惜那箇酒未沽

女家看屋旋入府署會飲申提王道先在周牧朱商後至初更散還摸

牌

十八日雨立春元夕未有詩補作二首疊前韻已處處江南信可探春光先

鼓只聽流鶯辨酒甘白戰聯吟還待雪青陽應候早橫參輸君官閣饒
詩興薄醉拈毫未肯含小雨連宵潤似酥迎春與從惹泥塗應知地

煖春牛喜莫訝天街火樹無佳節良宵珍尺璧新詩
好語串珍珠回思二紀京華謬惹傍夷船泊大沽

十九日晴庭梅始開滋女入城辦嫁裝得黃孫書

廿日晴滋女移入城宅遣僕嫗往侍余亦往看

廿一日晴甚煊登樓看梅真如雪海乃知梅以繇密爲勝枝橫花繞體物

甚精

廿二日陰有雨倡女來訴庶長訛詐有據令急退贓自了疊梅字韻記事

三九梅連六九梅三句空向雨中開一年好月新晴色萬朵綠花密雪白
堆縞袂定須才女詠黃昏誰共美人來獨憐何遜勞搜索卻對橫枝自

繞臺

廿三日晴遣迎兩女看梅滋辭不至治具請道臺作六九之會張味廬黃
義甫梁戊生鄭親家譚老師同集倡女來呼冤令以琵琶侑酒國喪聽
曲不顧憲章三女攜兩外孫來紛紜竟日二更散

廿四日晴晨未起報道臺小姐來其兩子先到送詩頃之女客至適將移
城內外恩恩余竟不能待客朝食後亟上船客猶在家也面城一宅故
姚家屋今歸孫氏一宅分三院余賃其中棟有房四間

廿五日陰趙家納徵陪媒人不到余便衣出見竟未得送簡略至矣遣召
庶長來

廿六日陰始立帳房號簿仍令周生知賓午過張黃張猶未起黃處見陳

三元一聯不及吳淪齋遠矣官亦不及不知何以做成三元也還家午
飡旋至朱嘉瑞會飲程生張尉王少蔣釐同席還寓功兒亦到云長婦
患疥不能來

廿七日雨鄧師禹罷永明令過衡來見云一見卽去何爲恭也卽往回看
已解纜矣渡湘答訪申軍臺至丁家馬頭看道臺過渡久待不至乃入
王季堂家待之丁次山朱得臣先在上鐙道臺乃來酒食俱不醉飽二
更始散

廿八日陰送裝廿四合雜器皿甚多徒費鋪飾無實用也道臺來送詩卽
帖書箱以張之十三經壓箱今不爲異矣風氣不同自趨於文亦與洋
貨無殊也

廿九日雨與張子年論請客事入內摸牌將夕云釐局來請昇往張朱先
在秦孫與坐廖春漁送柏栽

二月辛亥朔復女加笄請鄭梁執禮譚恭人加笄設席三桌余避至船臥
病客散乃還定醴女禮鄭注在房余改在堂考之醴子亦在房鄭注精
也父在阼母在房外婦人執其禮因命真女禮之

二日壬子復女昏日賀客先至有見有不見程生主之余時至客坐一周
旋申時壻趙謹瑗來親迎道臺來觀禮四女送親初更俱還是日有微
雨

三日陰出謝客從北門至南門唯入道署遂至壻家看女三茶禮成而還
四日陰有雨命功兒謝門生余在寓看送三朝茶分針線滋女小暈幸未

臥牀作答謝譚張疊韻詩

棟蓓源華十四枝春來嫁杏不嫌遲尋家喜
得仙源近換世先教弄玉知雛鳳九成勞卯

翼向禽五嶽遂心期翰林佳句仙耶和定勝妝臺彩筆持小鬟酒罷
玳筵停羸女簫聲且共聽愧我無才逐仙隱敢言不嫁惜娉婷山居久

已門無盜海禁長愁戶未屬企望
中興宏漢業儒容博士再傳經

五日陰回門會親內外設五席俱用燕窩十三婚娶所無也客來者十餘

人亦有女客程生來知賓李向二道均來道臺不至唯一捕廳耳在鄉間已爲榮寵得戴表姪書二更客散看雲磨碑

六日陰渡湘謝客王道臺論分家事出祝嘏圖屬題聞道臺兄喪往唁之已摘纓矣云昨午病故武昌子幼無妻夜召倡女還訛詐百元遂大合唱子初散常九耶來

七日陰題三王祝嘏圖頗窘於下筆

堯母康強過七旬每逢慶節倍憂勤卽看周甲焉蓬歲同壽由庚薄海春

兄弟追陪百人會闕庭行列兩朱輪
如今一臥滄江畔猶鄉祥煙捧玉晨

八日陰昨夜諸女約程趙姊妹看煙火各處差勇均未照護初更俱還今晨乃聞擠踏死七人由彈壓吆喝故愈忙亂不如聽其擁擠必不死人也余在此經卅年竟未一往亦爲闕事

九日陰晴衡陽令必約一飯三辭不得往赴之王季堂常霖生同集鄭譚兩學朱德臣作陪夕散

十日晴梁戍生鄭譚張弟同載酒補消寒會張尉陳生琪及余父子同飲
亥散諸女連日宴集大要迭爲賓主

十一日陰城中賽會功兒還湘自辰至午往來金銀江南之間館中幾無
人守前後門均呼不應至夜陳鶴春妻來諸女未歸立談而去常壻來
訴廖胖遣問之

十二日晨雨旋晴紙女將還鄉值雨改期余往書院查辦是非紛紜見覲
聿消令彭常查點器皿道臺又考甄別謝生納妾急欲開火故令齋夫
考生俱先入館一念之私生無窮口舌亦可笑也凡事未有不誤於私
因而掩之亦無誤矣夜月甚明好良宵也

十三日晴紙女午發作詩送之

嫩綠初黃杏萼丹花朝猶自怯春寒來食
下九同嬉戲歸去重安路遠漫無力只應

愁汲
迎女須秋
須有親猶及薦辛盤田家
饒好辦新衣待菊餐詩未成三字嬌夫催去矣遣兩丁護送
爲發七力亦費萬錢喻生妻來燕諸女

十四日有雨旋晴甄別船山書院諸生未集僅六十餘人送卷來便令謝喻生分閱廖生亦來袁張來言賀楊債事道臺追令繳照又恐塗銷欲余居間余云非吾職也房嫗私發多人往鬧倡初不知之已睡乃聞呼出以爲女暴病也自出詢之乃知怪事發已不能約束矣趙高望夷積威之漸不意網漏吞舟亦復有此女小難養敝在養之

十五日晨閱教員分卷爲改定評語取錄十五人外新拔兩人附課因并舊人亦附入焉又得十卷趙壻來省張尉來訴昨事云知府大申飭余陷之也卜經歷昨來言周生荒謬大爲我累人焉能累我我累人耳萬方有罪罪在朕躬此語親切有味送卷道臺因卽告行樹倒胡孫散一妙法也房嫗洶洶勢不可止余默坐而已璫女出拜年頓覺寥寂譚生

再來言考拔事牌示書院諸生

船山舊例監生得正課不領膏火前取程鵬業已照扣今聞報名時房吏不收

童卷以致童生皆冒注監生人數甚多若照例扣似非本童之過已修正道臺飭房改例科舉既停童生難得不必冒監爲榮也所有今年

課監生均卽改填童生以符彭剛直自念孤寒誘掖
貧生之意寒窗燈火讀史研經想見太平風景焉

十六日忌日素食晨興甚早宗釐員來送及出坐客已滿則常喻彭廖皆
在楊江沐馮燦旋至坐至三時之久備矣忌日本不見客客乃愈多張
尉亦來俱喫餅去而張獨不待滋出留常孫女獨居夜待至初更清寂
可憐乃令房嫗與共撩零滋還始散

十七日有雨喻謙來訴廖曷文知殷安清檜替爲之容隱宜究治胡繼祖
安清何人乃能取正課往道署取卷覈之因知引檀弓爲我特拔不知
墮廖術也然廖喻實未取不能任咎牌令覆試常霖生程生來夜談客
去卽睡滋留船宿璫女夜還房嫗不起迎余久之乃出問夜已深矣

十八日有雨本約至船朝食因璫母女俱在宅常壻又來令同飯乃發過
別霖生送文柄寄程生處待闕午後上船璫滋坐顧船余坐已船復真
均來譚芝耘約同行泊柴步宿夜雷雨

十九日晴泊柴步岸上客來相續黃澤臬司藉口奪田程生引梁姓來訴
遣問衡令乃爲所紿詭云道府禁其投稅信公門之難入也行同市儈
而打官話將何以待之

廿日陰晴諸女游石鼓趙家姊妹同往余爲辦差竟日舍船從陸還誤入
許姓船婢嫗歡迎竟莫測其由急還登岸乃得已船

廿一日雨侵晨道臺來報已初登舟得鑄奶書又報道臺改未正乃來以
爲必待昏暮竟依期至秦管帶來送請宿河套行未五里竟泊焉過船
談見其次男

廿二日陰早發有北風頻熾頻泛僅至寒林站飯於道船夜雨

廿三日晴午至衡山沈士登來送菜夜泊朱亭仍飯道船芝公父子均過

小船相看夜雨

廿四日雨寒睡半日滋女欲熾鑿石看七女因雨不去夜泊向家塘

廿五日雨北風吹船欲行不得芝耘泊易俗場對岸余過女船泊在上小船已先行在譚船下更還相迎竟不能下真已歐逆臥矣俟夕稍移船下又移小船稍上竟不能就譚船也

廿六日仍風雨船俱移入涓口內過船少談還欲稍愒譚船忽發見其被風吹轉知不能行仍泊原處王心培來相訪

廿七日小雨風稍止呼撥船來遣房嫗廚傭均隨六女下鄉行李盡去送至漣口芝耘遣礮船相待到縣未橫洪管帶救生局員上船來見至誕登已暮矣護船趕道臺護圍先去小船載乳嫗孩幼亦前行夜遂相失船人詭云小船未至泊平塘下待一夜六船遂分四處燎火取溫燭盡始眠

廿八日陰已初到城見小船已泊牛頭洲會合同行問芝耘已入城別其幼子乘人車到家功兒鄂館已撤輿兒純孫先去宜昌餘俱出觀宵芳

亦來蔡六弟亦來相尋略問與循後事云因田訟投訴留其同宿摸牌
四圈真來夜上船宿

廿九日晴寶耶張四先生胡壻李生洋和尚楊仲子來陳八來叔止去真
女出辭行還已夕余先上船看房倉芝耘父子正食輟箸相迎外孫女
及婢嫗均擠一倉令移官倉待真問知汪頌年妻亦上京甚喜有伴更
得芝公相照料可無慮矣坐待至二更竟喫燒鴨餽餽紹酒而還引真
見譚遂作別上轎

晦日陰鄉船人來輿兒亦還岫孫正暘趙芷孫龍研仙鄧壻胡壻劉江生
瞿芑孫李砥卿廖蓀咳何鏡孫來夜摸牌四圈女婦均來省覲

閏月辛巳初一日早起將出待飯遂至巳初從西至南繞東半城見子玖
岑撫朱鹽劉體乾健之蓀咳吳學沅生叔鴻陸臬堯衢日云暮矣雨又
將至乃還鄧翼之來聾老龍鍾家業蕩盡欲求乾館難矣

二日陰出盟已見組安留飯云已食矣堯衢不待通報徑入臥室子玖亦來約爲一集鄔師亦徑入高談吳補松來組安亦出同坐問考拔云捐貢不能考矣叔鴻送菜並遣其四郎來見名博立字達成云有兄弟四人分居兩處沅生旋來要組安去約其來晚飯兼招龍郎久待不至乃與譚席同食飯罷龍來又久坐而去組安遂坐及五時

三日陰莊心盒來胡子夷來譚五郎

澤聞

與呂撫堦同至小謝亦來曾鏡

子來見申前約索釐館心盒早來談財政內設正副二監亦古制也一梧來劉紱榮來不似江西時形貌幾不識之矣黃澤生來小隊傳喚攜駕湛童遵而攜焉蓋兩失之賓主殊不知也夜看吳仲昀輯詩畫卷

四日晴仍寒蓀咳來飯後訪唐蓬洲王逸梧陸臬申甫招飲久待余不到遣馬來追至則大人滿坐有湯穉安黃澤生曾霖生龍順孫彭文明太守唯彭初見不知曉杭家何人也未正散仍還家將謁龍郎來催客復